



Mr. Charles Müller wys die bedrag wat hy ná mediese aftrekkings van sy Transnet-pensioen oor het. Hy, en talle ander bejaardes, se Transnet-pensioene groei bykans niks, terwyl hul siekefonds-bydraes skerp gestyg het. Foto: MARY-ANN PALMER

Kleingeld!

Ná aftrekkings het bejaardes net R1 oor


Pensioentrekkers sukkel

Nicolize van der Walt en Janice Keogh



Volgens mnr. Dawie Roodt, hoof-ekonom van die Efficient-groep is dit hoeveel geld twee pensioentrekkers in Suid-Afrika per maand moet kry om te kan oorleef.

GEMIDDELDSES VIR TRANSNET-PENSIOENTREKKERS



JOHANNESBURG. – “R1. Wat moet ek doen met R1?”

Só vra mnr. Charles Müller (80) van Springs bande in die lug oor sy Transnet-pensioen. Ná aftrekkings deur Transnet se siekefonds bly daar R1 van sy maandelikse pensioen oor.

Maar hy is nie die enigste een nie. Mnr. Rudie Fouché (76) van Klerksdorp het ook net R1 oor nadat die siekefonds-premie van sy pensioen van R4 269,50 afgetrek is.

Volgens mnr. Willie Spies, regsverteenvoorder van AfriForum, is die meeste Transnet-pensioentrekkers wit en is daar bejaardes wat selfs siegter daaraan toe is as Müller en Fouché.

“Hulle kan nie bekostig om in tehuise te bly nie, dus trek hulle by hul kinders in of woon in motorhuise. Dié wat te trots is om hulp te vra, gaan woon in plakkerskampe.” Daar was al gevalle waar pensioentrekkers selfmoord gepleeg het, sê hy.

Volgens Spies is dit lede van Transnet se tweedevastevoordeel-pensioenfonds wat swaar kry.

Net Transnet-werknemers wat voor die jaar 2000 afgetree het, behoort tot dié fonds.

Hul pensioene het voorheen teen dieselfde koers as inflasie gestyg, maar sedert 2003 styg dit jaarliks met net 2% terwyl inflasie aanhou styg.

“Dit beteken hulle raak agter.”

Transnet het tans R900 miljoen in die betrokke pensioenfonds, maar dit gaan R1,9 miljard kos om alles te betaal wat hulle moet,

INCOME		DEDUCTIONS	
Fund Pension	R: 1937,95	Tax	R: 0,00
Workman's Compensation	R: 0,00	Tax	R: 0,00
Other Sources	R: 0,00	Medical: Member Fees	R: 1936,95
Tax Rebates	R: 0,00	Tax: Transnet	R: 0,00
Bonus	R: 0,00	Tax: Voluntary	R: 0,00
Transit	R: 0,00	Other	R: 0,00
TOTAL INCOME	R: 1937,95	TOTAL DEDUCTIONS	R: 1936,95
NETTO PENSION: R 1,00			

KZN Transnet pensioners should take note that the Transnet Pension Office in Durban has moved to Room 330, 202 Antin Lombard Street, Durban. The contact telephone numbers remain unchanged. T: 031 9613760 (Mishalski) and T: 031 9612056 (Andries)

Mr. Charles Müller se pensioenstrokie wat wys dat hy ná aftrekkings van die siekefonds R1 per maand oor het.



Van die pensioentrekkers het al selfmoord gepleeg weens armoede.

– MNR. WILLIE SPIES

sê Spies.

Volgens hom moet die regering R1 miljard aan Transnet betaal om verligting te bring, maar die politieke wil ontbreek.

“In die staat se oë is dit net ’n klomp ou, wit mense – ’n probleem wat sal uitsterf.”

In dié stadium sterf sowat 400 Transnet-pensioentrekkers per maand.

Fouché het 36 jaar lank op die destydse Spoorweë gewerk – eers as skryfwerker en later as ’n toesighouer. Hy het gedink hy het voldoende voorsiening gemaak vir sy aftrede, maar moet nou steeds werk om die pot aan die kook te hou.

“Ek het geglo my voorsiening was genoeg.

“Ons beleggingsinkomste is ook min, want die rentekoerse is laag.”

“Dit is my héle pensioen,” sê Müller terwyl hy na die ses bokse pille op sy skoot wys. Hy het nege hartvat-operasies ondergaan en

sonder dié medisyne sal hy “al mal maar moet groot”.

Die siekefonds trek R1 936,95 van sy pensioen van R1 937,95 af.

Volgens Spies het die Transnet-pensioentrekkers se medies volgens die mediese-inflasiekoers opgegaan met 18% tot 25% per jaar terwyl hul pensioen met 2% opgegaan het.

“Dit het baie meer opgegaan as ons pensioen,” sê Müller.

Hy het langer as 20 jaar by Singer-naaldwerkmansjiene gewerk voordat hy op 45 by die Suid-Afrikaanse spoorweë begin werk het. Hy was ’n kondukteur en spog nou nog dat hy die beste van almal in sy eksamens gevaar het.

“100% in al my vakke. Hulle het oor en oor gekyk en kon nie fout vind nie,” vertel hy.

Müller se vrou, Anné (64), se pensioen hou hulle aan die lewe.

Spies gaan eersdaags ’n aansoek by die hooggeregshof in Pretoria namens ’n pensioentrekker teen onder meer die president, Transnet en die Transnet-pensioenfonds indien.

Mnr. Mboniso Sigonyela, Transnet se woordvoerder, het nie by navraag oor die twee gevalle kommentaar gelewer nie. Hy het pensioentrekkers aangeraai om Transnet se pensioenadministrateurs by 0-11-507-8000 te bel.